

SCRIPT OF EVENING GOJRI NEWS BULLETIN 10APRIL 2025

1700HRS

اوننگ گوجری نیوز بولٹین 10 اپریل 2025

یوہ آکاشوانی جموں بے محمد صفیر تے نصرت تیں خبر سنو۔

HEADLINES

۱۔ مرکزی وزیر داخلہ امت شاہ نے اظہار کیو بے جے جموں کشمیر مانہہ کسے وی دہشت پھیلان غی اجازت نہیں دتی جے غی تے نہ ہی سلامتی یا علیحدگی ور کوئے سمجھو تو کیو جے گو۔

۲۔ جموں کشمیر گا ادھمپور تے کشتواڑ مانہہ تلاشی کاروانی پھر تیں شروع بے۔

۳۔ این آئی اے ۶۲۔۱۱ ممبئی دہشتگردانہ حملہ غا ماسٹر مائنڈ تہاور رانا نانہہ امریکہ تیں بھارت لیا رئی بے۔

۴۔ لیفٹیننٹ گورنر منوج سنہا نے تعلیمی اداراں نانہہ کہیو بے جے وے نصاب مانہہ عدم تشدد تے ہمدردی غا موضوعات شامل کریں۔

۵۔ عدالت عظمیٰ آئیندہ ۶۱ تاریخ نانہہ وقف ترمیمی ایکٹ گا جواز بارے درخواستان کی سنوائی کرے گی۔

SHAH TERRORISM

مرکزی وزیر داخلہ امت شاہ نے گزشتہ روز کہی وجے جموں کشمیر گا وزیر اعلیٰ عمر عبداللہ سنگ ہونی حالیہ ملاقات خوشگوار رہی جس دوران ترقی تے گورننس ور توجہ دتی گئی۔ انہاں نے کہی وجے ہمنے ہمیشہ بغیر کسی تعصب گے علاقائی حکومتاں کی برابر حمایت کی بے۔ اے ان گلاں گو اظہار اک نجی ٹی وی چینل سنگ کر رہیا تھا۔ وزیر موصوف نے مزید کہیو جے مرکزی سرکار جموں کشمیر کی چُنندہ قیادت سنگ رل مل غے کم کرن غی وعدہ بند بے تے قومی سلامتی مرکزی سرکار کی اول ترجیح بے انہاں نے دہشتگردی سنگ ہمدرانہ رویو رکھن آلاں تے دہشتگرداں نانہہ خبردار کی وجے جہیزو وی جموں کشمیر مانہہ دہشتگردی پھیلان کی کوشش کرے گو اُس نانہہ سزا دتی جے گی۔ یاد رہ جے وزیر داخلہ نے اپنا حالیہ جموں کشمیر غا دورہ غے دوران اعلیٰ سرکاری افسراں تے سیاسی لیڈراں سنگ ملاقات کر گے جموں کشمیر کی صورتحال گو جانیزو ليو تے مستقبل واسطے لانیہ عمل وی طے کیو۔

SHAH RANA

مرکزی وزیر پیش گوئل نے سماجی میڈیا پوسٹ گے زیرعے اظہار کیو بے جے ۶۲، ۱۱ ممبئی دہشت گردانہ حملہ گا ملزم طحہ لرانانانہہ اج بھارت آنیو جے گو۔ انہاں نے کہیو بے جے وزیر اعظم نریندر مودی کی کاوشاں گو نتیجو بے جے مذکورہ دہشت گرد نانہہ بھارت آن گے کڑی سزادتی جائے گی۔ ممبئی مانہہ زرائع ابلاغ سنگ گل کرتا واں انہاں نے الزام لایو جے کانگریس کی سرکار نے دہشت گرداں نانہہ سزا سین واسطے کُج وی نہیں کیو۔ اس سلسلہ مانہہ این آئی اے ہیڈ کوارٹران پٹیالہ کورٹ تے قومی راجدھانی گا دیگر علاقاں مانہہ حفاظتی انتظام چوکس کردتا ہیں۔ واضح رہ جے رانا نانہہ حوالگی تیں بچن کی آکری کوشش ناکام ہونتیں بعد بھارت آنیو جارہیو بیکیونجے اس بارے امریکی عدالت عظمیٰ نے درخواست رد

کردتی تھی۔ اس بارے بولتاں گزشتہ کل مرکزی وزیر داخلہ امت شاہ نے کہیو جے طحہ الرانا گی بھارت واپسی مودی سرکار گی سفارت کاری گی اک بڑی کامیابی ہے۔ انہاں نے اس طرح کہیو۔

TWIN ENCOUNTERS

ادھمپور تے کشتواڑ ضلع مانہہ حفاظتی اہلکاراں نے تلاشی مہم دوبارہ شروع کردتی ہے گزشتہ روز ادھمپور غا جوفر مارٹا تے کشتواڑ گا چھاترو علاقہ مانہہ حفاظتی اہلکاراں تے دہشت گرداں غے بشکار جھڑپ ہوئی تھی جس تیں بعد علاقہ نانہہ رات بھر گھیرہ مانہہ رکھیو گیو ایس ایس پی ادھمپور امود اشوک ناگپورے غے مطابق فائرنگ غو تبادلہ تقریباً ۲ گھنٹہ توڑی جاری رہیو۔ جس تیں بعد علاقہ مانہہ اضافی نفری تعینات کی گئی حفاظتی اہلکارا گزشتہ ۷۱ دن تیں دہشت گرداں نانہہ تلاش کر رہیا ہیں جہیڑا ایک علاقہ تیں دوجا علاقہ مانہہ منتقل ہو رہیا ہیں۔ پیاہ کاروائی ۴۲ مارچ نانہہ کٹھوعہ غا سنیال علاقہ تیں شروع ہوئی تھی۔ تے ۷۲ مارچ نانہہ ہوئی جھڑپ مانہہ ۲ دہشت گرد ماریا گیا تھا تے ۴ پولیس اہلکار شہید ہوا تھا۔

FLAG MEETING POONCH

پونچھ غا چکا داں باغ علاقہ مانہہ قبضہ لکیر ور جاری کشیدگی نانہہ کم کرن واسطے ایک کمانڈر سطح غی فلیگ میٹنگ منعقد ہوئی۔ یہ میٹنگ سرحدی جھڑپاں تے جنگ بندی غی خلاف ورزی تیں بعد ہوئی جہیری تقریباً ۱ گھنٹہ توڑی جاری رہی۔ اس میٹنگ گو مقصد پاکستانی فوج غی جانب تیں کی جان آلی جنگ بندی معائدہ غی خلاف ورزیاں ور گل کرنو تھو۔ پیاہ فروی تیں بعد دوجی کمانڈر سطح غی ملاقات تھی۔ اس طرح غی میٹنگ ماضی مانہہ وی ہوتی رہی ہے تانجے قبضہ لکیر ور امن نانہہ قائم رکھیو جاسکے تے کشیدگی نانہہ کم کیو جاسکے۔

CENTRE PM POSHAN

مرکزی سرکار کی طرفوں چلائی جان آلی سکیم پردھان منتری پوشن شکتی نرمان گا سازو سامان واسطے لاگت مانہہ ۹ عشاریہ ۰۵ فی صد اضافو کیو ہے مذکورہ اسکیم کے تحت سرکاری اسکولوں گا پہلی تیں ۸ ویں جماعت تک طلباء نانہہ تازو گرام کھانو دتو جے اس قدم کے تحت مرکزی سرکار مالی سال ۲ ہزار ۵۲، ۶۲ مانہہ ۹ سو ۴۵ کروڑ روپیہ اضافی خرچنا پونین گا یاد رہ جے ساز و سامان گا اخراجات کے علاوہ مرکزی سرکار بھارتی فوڈ کارپوریشن کے زیرے ۶۲ لکھ میٹرک ٹن غذائی اجناس وی فراہم کراوے واضع رہ جے غذائی اجناس ۰۰۱ فی صد اخراجات مرکزی سرکار ادا کرے جس مانہہ ۹ ہزار کروڑ کی سبسائیڈی وی شمار ہے۔

J&K COMMITTEE

جموں کشمیر اسمبلی گا سپیکر عبدالرحیم راتھر نے جل جیون مشن گا نفاذ مانہہ ہوئی ہے جابطگیاں کی تحقیقات واسطے اک ہانس کمیٹی تشکیل دتی ہے واضح رہ جے ایوان مانہہ اس بارے کئی بار مطالبات کیا گیا جس کے پیش نظر اسپیکر موصوف نے حسنین مسعودی کی سربراہی مانہہ اک کمیٹی نانہہ تشکیل دتو اس کمیٹی مانہہ کل ۱۱ ارکان شامل ہیں جن مانہہ محمد یوسف تاریگامی علی محمد ڈار راجیو جسروٹیہ رنبیر سنگھ پٹھانیہ تنویر سادق جاوید ریاض بیداد مظفر اقبال خان رفیق احمد نانک ارجن سنگھ راجو تے افتکار احمد شامل ہیں۔ یاد رہ جے مذکورہ کمیٹی نانہہ جموں کشمیر مانہہ جل جیون مشن کی منصوبہ بندی عمل

آوری تے مجموعی شفافیت بارے ممبران کی طرفوں طاہر کیا گیا خدشات گو جائیزو لین گو کم سونیو گیو ہے۔

LG MAHAVIR JAYANTI

لیفٹیننٹ گورنر مونجسنا نے اج تعلیمی اداراں ور زور دتو کہ طلبہ غی تعلیم مانہ جین مت غ انبیادی اقدار جسراں کہ عدم تشدد تے بمرددی نانہ شامل کریں تانجے بے لوٹ خدمات گو جزبو پروان چھڑجے جموں مانہ مہاویر جینتی گاموقع ور ایس ایس جین سبھا غی جانب تیں منعقد ایک خاص تقریب تیں خطاب کرتا واں لیفٹیننٹ گورنر نے مہاویر جینتی غاموقع ور سب نانہ مبارک باد پیش کی۔ اُنہاں نے کہیو کہ بھگوان مہاویر غی تعلیم صرف ایک مزہب یا فرقہ واسطے نہیں بلکہ سب لوکاں واسطے ہے۔

SC WAQF

عدالت عظمی رواں مہینہ کی ۶۱ تاریخ نانہ وقف ترمیمی ایکٹ ۲ ہزار ۵۲ گاؤینی جواز بارے عرضیاں کی سنوائی کرے گی چیف جسٹس آف انڈیا سنجیو کھنہ جسٹس سنجے کمار تے کے وی وشوا ناتھن ور مشتمل بنچ اس کیس کی سنوائی کرے گا۔ مرکزی سرکار نے اس سلسلہ مانہ عدالت عظمی مانہ اک کیویٹ درکواست دائر کی ہے واضع رہے کہ یہ درخواست مدعی کی طرفوں دائر کی جائے تانجے اس گل نانہ یقینی بنایو جے اس غے خلاف کوئی وی منفی حکم اس نانہ سنیا بغیر صادر نہ کیو جے۔ یاد رہے کہ مذکورہ ایکٹ بارے عدالت عظمی مانہ کئی عرضی دائر کی گئی ہیں مذکورہ ایکٹ صدر جمہوریہ غی طرفوں دتی گئی منظوری تیں بعد گزشتہ منگلوار نانہ نافظ ہووے۔ تے اس سلسلہ مانہ سرکار نے اک نوٹفیکیشن وی جاری کیو۔

MUGHAL ROAD

ضلع ترقیاتی کمشنر و پونچھ وکاس کونڈل نے ایس ایس پی پونچھ شفقت حسین کے ہمراہ ضلع گا بکھ بکھ علاقوں کو دورو لا غے سڑکاں تیں برف بتان گا کم کاج گو جائیزو لیو جن تاریخی مغل شاہراہ قابل ذکر ہے اس دوران اُنہاں نے بی آر او کی بکھ بکھ ٹیمیں تے مقامی انتظامیہ سنگ ملاقات کرے جلد ہی سڑک بحالی کی یقین دہانی کرائی اس موقع ور ڈی سی موصوف نے برف بتان گا کم کاج ور تسلی غو اظہار کیو۔

POLICE NUKKAD NATAK

منشیات غا استعمال غے کلاف شعور بیدار کرن تے منشیات تیں پاک سماج نانہ فروغ دین واسطے جموں کشمیر پولیس ڈوڈہ نے نشہ مکت بھارت ابھیان غے تحت پُرایا بس سٹینڈ ڈوڈہ مانہ ایک نوکڈ ناک غو انعقاد کیو۔ اس موقعور ایس ایس پی ڈوڈہ سندپ مہتا مہمان خصوصی گا طور ور موجود تھا۔ کئی اعلیٰ پولیس افسر تے مقامی معزز افراد نے وی اس پروگرام مانہ شرکت کی۔ مقامی فنکاراں نے اس نوکڈ ناک مانہ حسو لیو تے نشہ تیں انسان خاندان تے سماج ور پین آلا پیرا اثرات نانہ موثر انداز مانہ پیش کیوجزباتی مکالمات تے بہترین اداکاری غے زریعے نوجوانان نانہ نشہ تیں دور رہن تے ایک صحت مند ذمے دار زندگی گزارن غو پیغام دتو۔

INDIA EXPORT

مال سال ۲ ہزار ۴۲، ۵۲ ماہہ بھارت غی اشیاء تے خدمات غی برآمدات ۰۲۸ ارب امریکی ڈالر تیں تجاوز کر گئی ہیں۔ یوہ گزشتہ مالی سال غا ۸۷۷ ارب ڈالر غے مقابلہ ماہہ تقریباً ۶ فی صد غو اضافو ہے یوہ اعدادو شمار دہلی ماہہ ایک میٹنگ غیدوران باندھے آیو جہیڑو تجارت تے صنعت غا وزیر پیوش گوئل نے برآمدات ناہہ فروغ دین آلی کونسل تے صنعتی تنظیمان غے نال کی تھی۔

US TARIFF

ایک بڑی پیش رفت ماہہ امریکی صدر دونالد ٹرمپ نے اعلان کیو کہ چین تیں علاوہ باقی تماممالک ور لگن آلا باہمی درآمدی ٹیکس ور ۰۹ دناں غی چھوٹ دتی جارہی ہے۔ اپنا سماجی میڈیا ور ایک پیغام ماہہ انہاں نے کہیو کہ یوہ ۰۱ فی صد ٹریف تے باہمی ٹریف ور لاغو وے غو نال ہی انہاں نے چین واسطے ٹریف غی شرح بدھا غے ۵۲۱ کردتی ہے جہیڑی فوری طور ور نافز ہو گئی ہے۔ اس تیں پہلاں چین نے امریکہ تیں آن آلی تمام اشیاء ور ۴۸ فی صد ٹریف لگایو تھو جہیڑو گزشتہ رات تیں نافز ہو چکو ہے۔

IPL

اج آئی پی ایل ٹی ۰۲ کرکٹ ماہہ رایل چیلینجر بنگلورو غو مقابلو دہلی کیپیٹل تیں وے گو۔ مقابلو بنگلورو غا ایم چینا سوامی سٹیڈیم ماہہ شام ۷ بج غے ۰۳ منٹ ور شروع وے گو۔ ڈی سی نے ہن توڑی کوئی مقابلو ہاریو نی ہے۔ ترے مسلسل جیت تیں بعد تیجہ نمبر ور ہے۔ جد کہ آر سی بی ۴ مقابلہ وچوں ترے مقابلہ جیت غے چوتھا نمبر ور ہے۔
